

Lög Ungmennafélags Hrunamanna, UMFH

1. grein

Félagið heitir Ungmennafélag Hrunamanna, skammstafað UMFH. Félagssvæðið er Hrunamannahreppur

2. grein

Markmið félagsins er að efla andlegan og líkamlegan þroska félaganna og stuðla að auknum áhuga félagsmanna og almennings á íþróttaiðkun, líkamsrækt, leiklist og félagsmálastörfum.

3. grein

Markmiðum sínum hyggst félagið meðal annars ná með því að stuðla að iðkun íþrótta, líkamsræktar, leiklistar, annarri menningarstarfsemi og með eflingu bindindis og fræðslu um óhollustu og skaðsemi vímuefna. Félagið skal setja sér siðareglur.

4. grein

Merki félagsins er bókstafurinn H, hvítur á bláum grunni og grænum sem afmarkaður er með hvítum ramma. Í græna litnum eru myndir af kornaxi.

5. grein

Aðallitir í keppnisbúningi félagsins skulu vera gulur, grænn og blár. Búningurinn skal vera auðkenndur með merki félagsins. Æfingabúningur skal vera blár, grænn og hvítur. Félagsmerki skal vera áfest á barm keppnisbúninga. Deildum félagsins er heimilt að útfæra ofangreinda aðalliti að eigin vild, þó með samþykki aðalstjórnar.

6. grein

Félagið er myndað af einstaklingum í deildum samkvæmt sérstöku félagatali, en deildirnar hafa sameiginlega aðalstjórn sem er æðsti aðili milli aðalfunda.

7. grein

Félagsmaður er hver sá sem uppfyllir eitt af eftirtöldum atriðum:

- a) Einstaklingur sem sótt hefur um inngöngu í félagið og fengið samþykki aðalstjórnar.
- b) Hver sá sem sækir um til stjórnar deildar og er samþykktur. Heimilt er að vera félagi í fleiri en einni deild gegn greiðslu árgjalds viðkomandi deildar.
- c) Stundar æfingar eða keppni á vegum félagsins. Félagsgjald skal greitt um leið og félagsmaður hefur æfingar eða er skráður til keppni.

8. grein

Úrsögn úr deild skal tilkynna skriflega til stjórnar viðkomandi deildar. Stjórnin staðfestir síðan úrsögn. Félagar sem ekki hafa greitt árgjald til deildarinnar tvö ár í röð hafa fyrirgert öllum réttindum sínum innan hennar og skulu ekki taldir félagar eftir þann tíma, þó skal stjórn deildarinnar hafa samráð við viðkomandi aðila áður en hann er strikaður út úr félagatali.

9. grein

Aðalstjórn og stjórnnum einstakra deilda er heimilt að afla sér styrktarféлага. Skal slíkt samþykkt á aðalfundi félagsins eða viðkomandi deildar.

10. grein

Árgjald og aldursmörk sem innheimtun miðast við, skal ákveðin á aðalfundi viðkomandi deilda.

11. grein

Aðalstjórn félagsins skipa þrjár einstaklingar, formaður, gjaldkeri og ritari, auk tveggja meðstjórnenda, kjörin á aðalfundi samkvæmt tillögu kjörnefndar, ef aðrar tillögur koma fram á fundinum skal kosning framkvæmd skriflega.

Kjörtímabil stjórnar og meðstjórnenda skal vera eitt ár. Séu atkvæði jöfn við kosningu skal kosið að nýju bundinni kosningu um þá einstaklinga. Verði atkvæði enn jöfn skal hlutkesti ráða.

Meirihluti ræður úrslitum mála í aðalstjórn.

12. grein

Aðalstjórn skal halda fund svo oft sem að þurfa þykir, skilt er að halda fund ef að minnsta kosti tveir eða fleiri óska þess. Stjórnin skal halda fundargerðabók.

13. grein

Aðalstjórn félagsins ber að efla félagið á allan hátt og gæta hagsmuna þess í hvívetna.

Aðalstjórn félagsins skal stjórna félaginu og sjá um framkvæmdir fundasamþykkt. Þá er aðalstjórn heimilt að fela nefndum framkvæmd ýmissa mála og skulu fastanefndir kjörnar á aðalfundi. Aðalstjórn félagsins er heimilt að skipa þær nefndir sem hún telur þörf á.

Aðalstjórn hefur umráðarétt yfir öllum sameiginlegum eignum félagsins og ræður starfsemi þess í aðalatriðum í samráði við stjórnir deilda.

Aðalstjórn skal sjá til þess að allir sjóðir félagsins ávaxtist í banka eða sparisjóði.

Aðalstjórn hefur heimild til að víkja mönnum úr félaginu áliti hún framkomu þeirra og gjörðir vítaverðar.

Aðalstjórn fer með yfirstjórn fjáraflana sem framkvæmdar eru í nafni félagsins og veitir einstökum deildum heimild til að nýta þær.

Aðalstjórn hefur úrskurðarvald í ágreiningsmálum sem upp kunna að koma innan félagsins og til hennar er skotið.

Aðalstjórn tekur ákvörðun um skiptingu fjármagns sem félagið hefur aflað, að undanskildum styrkjum eða beinum framlögum til deilda. Vanræki einhver deild að halda aðalfund á tilsettum tíma má aðalstjórn boða til fundarins og sjá um framkvæmd hans.

Kaup og sala fasteigna félagsins er bundin aðalfundarsamþykkt með 2/3 hluta greiddra atkvæða.

Formaður hefur á hendi æðsta framkvæmdavald í félaginu og skal hann gæta þess að allir starfsmenn félagsins gegni skyldu sinni. Einnig hefur hann yfirumsjón með eignum félagsins.

Hann skal gæta þess að lög félagsins séu í heiðri höfð, rita skýrslu um starfsemi félagsins á hverju ári og leggja hana fram á aðalfundi. Formanni er skylt að halda stjórnarfund ef meirihluti stjórnar óskar þess.

Gjaldkeri skal halda utan um tekjur félagsins og greiða reikninga þess. Hann skal sjá um reiknishald félagsins og leggja fram skriflegan endurskoðaðan ársreikning á hverjum aðalfundi.

Ritari skal sjá um að allar fundargerðir séu skráðar í fundargerðabók félagsins. Hann skal skrá fundargerð stjórnar í þar til gerða bók.

Ritari skal gera félagatal á hverju starfsári.

14. grein

Aðalfundur félagsins skal haldinn árlega fyrir 31. mars. Til aðalfundar skal boða skriflega með minnst viku fyrirvara og telst hann löglegur ef löglega er til hans boðað.

Rétt til setu á aðalfundi með málfrelsi og tillögurétt hafa allir lögmætir félagar. Atkvæðisrétt á aðalfundi hafa allir félagar 14 ára á árinu og eldri sem eru skuldlausir við félagið. Kjörgengi til stjórnar og nefndarstarfa hafa lögmætir félagar 14 ára á árinu og eldri, nema til formanns og gjaldkera skulu þeir vera fullra 18 ára.

Tillögur um breytingar á lögum félagsins skal senda aðalstjórn eigi síðar en tveimur vikum fyrir aðalfund og skulu þær undirritaðar af flytjendum.

Á aðalfundi ræður einfaldur meirihluti atkvæða úrslitum mála nema þegar um er að ræða breytingar á lögum félagsins og sölu eða kaup á fasteignum. Þar skal ráða 2/3 atkvæða.

Aðalfundur félagsins fer með æðsta vald allra mála félagsins.

15. grein

Tekjur félagsins skulu vera :

- a) Aðalstjórn er heimilt að innheimta allt að 25% af árgjaldi félagsmanna
- b) Aðrar tekjur sem ekki koma inn á svið deilda.
- c) Aðalstjórn er heimilt að innheimta sömu krónutölu fyrir hvern félagsmann 16 ára og eldri og félagið þarf að greiða skatta af til HSK

16. grein

Aðalstjórn félagsins er heimilt í lok hvers starfsárs að krefja einstakar deildir um framlag fyrir þá féлага deildarinnar sem ekki hafa greitt árgjöld.

17. grein

Aðalstjórn félagsins er heimilt að kjósa heiðursfélaga í þakklætisskyni fyrir vel unnin störf sé hún því einróma samþykkt. Heiðursfélögum er heimil þátttaka í öllu starfi félagsins en eru undanþegnir skyldum þess.

18. grein

Aðalstjórn er heimilt að veita viðurkenningu á aðalfundi félagsins ef hún telur einstakling eða deildir hafa skarað framúr.

19. grein

Deildir félagsins velja íþróttamann ársins, hver í sinni grein, setja reglur þar um og veita verðlaun. Skali valið tilkynnt á aðalfundi deildar.

Aðalstjórn kys einn úr þeim hópi sem íþróttamann Ungmennafélags Hrunamanna. Kjörið skal kynnt á aðalfundi félagsins og afhentur farandgripur til varðveislu í eitt ár og að auki staðfestingargripur til eignar.

20. grein

Hver deild félagsins hefur sérstaka stjórn og sjálfstæðan fjárhag og hefur tekjur af :

- a) árgjöldum félaga
- b) styrktarfélagsgjöldum
- c) öðrum tekjuöflunarleiðum sem ekki rekast á við starf annarra deilda.

21. grein

Stjórn hverrar deildar skipa 3 einstaklingar, formaður, gjaldkeri og ritari, skulu þeir kjörnir á aðalfundi deildanna ásamt tveimur til vara. Kosið skal sérstaklega um hvern stjórnarmann.

Kjörtímabil deildarstjórna er á milli aðalfunda viðkomandi deildar. Hver deild skal halda gjörðabók um allt markvert sem fer fram innan deildarinnar. Í lok hvers starfsárs skal tekið saman yfirlit um starfsemina sem síðan skal tekið upp í sameiginlegri skýrslu félagsins.

Ársyfirlit skal afhenda aðalstjórn félagsins eigi síðar en 15 dögum eftir aðalfund deildar.

22. grein

Aðalfundur deildar skal haldinn fyrir 1. mars ár hvert þar sem skýrsla og ársreikningur deildarinnar eru lögð fram.

Atkvæðisrétt og kjörgengi til stjórnar og nefndarstarfa hafa allir félagar deildarinnar 14 ára á árinu og eldri, nema til formanns og gjaldkera verða þeir að vera fullra 18 ára til þess að teljast kjörgengir. Til aðalfundar deildar skal boðað með viku fyrirvara og er hann löglegur sé löglega til hans boðað.

23. grein

Deildarstjórnnum er heimilt að afla styrktarféлага sem eru undanþegnir þátttöku í störfum á vegum viðkomandi deildar.

24. grein

Hætti einhver deild störfum, er stjórn deildarinnar skylt að afhenda eignir hennar til aðalstjórnar. Taki deildin ekki til starfa að nýju innan 3ja ára, renna eignir hennar í sjóð aðalstjórnar. Hafi deild ekki starfað í fimm ár er aðalstjórn heimilt að leysa deildina upp og leysa til sín eignir og sjóði hennar.

25. grein

Reikningsár UMFH skal vera almanaksárið.

26. grein

Hætti UMFH störfum, skulu sjóðir þess og aðrar eignir mynda sjóð er ávaxtist í banka undir umsjá sveitastjórnar Hrunamannahrepps. Verði nýtt ungmennafélag stofnað innan 20 ára rennur sjóðurinn óskertur til þess. Verði slíkt félag ekki stofnað innan þess tíma skulu skjöl og minjagripir ganga til bóka- og minjasafns hreppsins og sveitarstjórn er heimilt að verja sjóðnum til æskulýðs og menningarmála í sveitinni.

27. grein

Með lögum þessum samþykktum á aðalfundi 2011 falla eldri lög félagsins úr gildi. Lögum þessum má aðeins breyta á aðalfundi og þarf til þess 2/3 hluta greiddra atkvæða. Geta skal lagabreytingar í fundarboði og hverjar þær eru.